



Inatsisartuni Ilaasortaq
Anthon Frederiksen, Partii Naleraq

§ 37 naapertorlugu illullionerni pujoorfilliortarnernut maleruagassat pillugit apeqquteqaat nr. 2016-061

Brevdato: 04-03-2016
Sags nr.: 2016 - 4279
Dok. nr. 8447914

Asasara Anthon Frederiksen!

Matumuuna Inatsisartut suleriaasianni § 37, imm. 1 naapertorlugu apeqqutitit akissuteqaateqarfigineqarput:

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

1) Sanaartormermut atatillugu pujoorfiit portussusissaannut piumasaqaatit qanoq ippat?

Pujoorfilliortarnermut piumasaqaatit sanaartormermut inatsimmi (Sanaartorneq pillugu Inatsisartut inatsisaat nr. 13, 26. maj 2010-meersoq) aamma Illulionermut Malittarisassat 2006-imi (BR06) maleruagassiuunneqarput.

Pujoorfiit portussusissaannut piumasaqaatinut tunngatillugu BR06-imi kap. 10.7, imm. 4 innersuussutigineqarsinnaavoq:

- *"Pujoorfiit ruujoritaasalu ilusiligaanerini, putsup siaruarfissaasa annertussusiligaanerini portussusiligaanerinilu suertitsiffissat pujoortitsiffissallu naammaginaruussapput".*

BR06-imi kap. 10.7, imm. 4-mi ilaatigut allassimavoq, pujoortitsiffissat naammaginaruunissaat putsup tipiliornernik peqqissutsumullu ajoqutaanernik kinguneqannginnissaannik isumaqartoq. Kiisalu allassimavoq, pujoorfiit mikisut nalinginnaasumik SBI-mut innersuussummi 189-imi pujoorfilliomissamut ilitsersuut malinneqarpat, nalinginnaasumik pujoortitsiffissat naammaginaruunissaat anguneqarsinnaasoq.

SBI-mut innersuussummi pujoorfiit pillugit ilaatigut allassimavoq, pujoorfik minnerpaamik natemit, kiassaati inissisimaffigisaanit naatsorsorlugu minnerpaamik 5 meterinik portussuseqartariaqartoq. Uunnaavinnut, kiassaatinut ikummatissanik aalajangersimasunik atuisunut ikumatitsivinnullu allanut, pitsaasumik atorsinnaassagunik portunerusunik pujoorfeqartussaasunut naatsorsuussanut, uunnaaviliortut pujoorfiit pukinnerpaaffissaannut innersuussutaat malinneqartariaqarput.

Pisuni ataasiakkaani pissutsinik nalillineq, tassalu putsup siaruartamera naammaginaruunngortinialrugu pujoorfiup naammaginaruunimik ilaneqamissaa pisariaqamersoq pillugu nalillineq amerlanertigut apeqqutaasarpog.

Sanaartormermut inatsimmi § 18, imm. 1 naapertorlugu kommunip sanaartukkamik suliaqamermi sanaartormermut inatsimmi aalajangersakkat, aammalu maleruagassat, inatsit tunngavigalugu aalajangersameqartut malinneqamersut misissortussaavaa.

2) Pujoorfiit avatangiisinut eqqaamiunnullu akornusiinnaasut portussusissaannut aalajangersagaqarpa?

Sanaartukkami sanaartormermut inatsimmi aalajangersakkat malinneqamissaannut kommuni nakkutilliusaavoq. Pissutsit ilaanni sanaartormermut inatsimmi piumasaqaatit malinneqanngitsut

kommunimit paasineqarpat, pissutsit sanaartormemut inatsimmi § 18, imm. 3 naapertorlugu inatsisunik malinnittunngortillugu iluarsineqarmissaat anguniameqartussaavoq. Taamatut pisoqartil-lugu nalinginnaasunik kommunip piginnittoq pissutsit unioqquitsiviusut iluarseqqullugit peqqusussaavaa.

Sanaartormemut inatsimmi § 16 naapertorlugu piginnittoq pisussaavoq, pissutsinik, sanaartormemut inatsimmi aalajangersakkanik, imaluuniit inatsit naapertorlugu peqqussutsinik uniuiffi-usunik iluarsissalluni. Illu unioqquitsilluni atomeqarpat, pisussaaffik aamma atuisumut atuut-tussaavoq.

Kommunip pissutsinik unioqquitsiviusunik iluarsinissamut peqqusineranik naammassinninngit-soq, eqqartuussinikkut piffissaliussatut aalajangerneqartup iluani pissutsinik iluarseqqullugu peqquneqarsinnaavoq, aammalu pinngitsaaliissummik akilersuinissamut eqqartuunneqarsinnaal-luni.

Tamatuma saniatigut kommunip ikumatitsiviit pujoorfillu isumannaallisaaneq eqqarsaatigalugu upalungaarsimanemut inatsit (Kalaallit Nunaanni annaassiniamissamut upalungaarsimaneq aamma ikuallattoomissamik qaartoomissamillu pitsaaliuinermi illuusissat pillugit Inatsisartut inatsisaat nr. 14, 26. maj 2010-meersoq) naapertorlugu isumannaassuseqarmissaat nakkutigisus-saavaa.

3) *Apeqquut 2-imi aalajangersakkanik peqarpat, eqqugaasut naammagittaalliornissamut peri-arfissaqarpat?*

Pissutsit, sanaartormemut inatsimmi pineqartut pillugit kommunip aalajangiinera sanaartormemut inatsimmi § 23, imm. 1 naapertorlugu Naalakkersuisunut maalaarutigineqarsinnaavoq. Maalaarut aalajangiinerup aalajangiiffiqartumut nalunaarutigineqameraniit, kingusinnerpaamik sapaatit akunnerisa sisamat qaangiunnerini tunniunneqassaaq.

Kiisalu sanaartormemut inatsimmi § 23, imm. 4-mi allassimavoq, suliap inerneranut annertuumik immikkullu soqutigisaqartut maalaaruteqarsinnaasut. Tassalu aalajangiineq allanut inatsisitigut, aningaasaqamikkut sunniutissatigullu kalluaappat, taamaaliilunilu annertuumik immikkullu attu-isimappat, aalajangiiffigisaasup saniatigut allat aamma maalaaruteqarsinnaapput.

Naalakkersuisut aalajangiineri eqqartuussivinnut ingerlateqqinneqarsinnaapput. Sanaartormemut inatsit naapertorlugu suliaannngortitsinerit, Naalakkersuisut aalajangiinerminnik pineqartumut nalunaaruteqameranniit kingusinnerpaamik qaammatit arfinillit qaangiunnerini tunniunneqarsi-massapput.

Inussiamersumik inuulluaqqusillunga



Knud Kristiansen